



Svör Samfylkingarinnar

Hvert yrði ykkar framlag í baráttu fyrir réttindum og þátttöku fólks á einhverfurófinu?

Samfylkingin ætlar að lögfesta sáttmála SP um réttindi fatlaðs fólks og stofna sjálfstæða mannréttindastofnun. Þetta yrði ein stærsta réttarbót í sögu fatlaðs fólks á Íslandi. Við erum fylgjandi menntakerfi sem tryggir öllum jöfn tækifæri og ætlum að styrkja nýsköpun og þróunarstarf í menntamálum, efla stöðþjónustu við kennara og nemendur og bæta aðgengi að sálfræðingum, félagsráðgjöfum og annarri stuðningsþjónustu í skólum. Við vitum að ofbeldi gegn fötludu fólki er algengt og alvarlegt mál, við ætlum að ráðast í úrbætur fyrir þolendur og stofna Ofbeldisvarnarráð þar sem sérstaklega væri tekið utan um jaðarsetta hópa.

2. Hvað ætlar þinn flokkur að gera til þess að bæta aðgengi að greiningu og eftirfylgni?

Eitt af stóru áherslumálum Samfylkingarinnar er að útrýma biðlistum, sem einkenna heilbrigðiskerfið okkar sem er undirfjármagnað og löngu komið að þolmörkum. Við vitum að á bak við hvert nafn á biðlista eftir heimsóknum til sérfræðinga og viðtölum við sálfræðinga og geðlækna, eftir greiningu og aðstoð, eru fjölskyldur sem þurfa lausn á sínum vanda. Samfylkingin ætlar m.a. að:

- auka fjármagn til opinberrar heilbrigðisþjónustu,
- ráðast í aðgerðir gegn undirmönnun,
- stytta biðlista,
- ráðast í þjóðaráttak í geðheilbrigðisþjónustu um allt land,
- gera geðheilbrigðisþjónustu að hluta af almenna heilbrigðiskerfinu,
- byggja nútímalegar geðdeildir og vinna markvisst niður biðlista barna og ungmenna eftir nauðsynlegri þjónustu,
- innleiða gjaldfrjálsa sálfræðiþjónustu fyrir börn og ungmenni,
- nýta betur fjármagn sem veitt er til heilbrigðismála með eflingu innri endurskoðunar hjá hinu opinbera auk stýringar, samræmingar og skilvirkara eftirlits með ólíkum þáttum heilbrigðiskerfisins
- greiða allan ferðakostnað innanlands vegna nauðsynlegrar heilbrigðisþjónustu við fólk fjarri heimabyggð.

3. Hvað telur þinn flokkur að sé ásættanleg bið eftir greiningu?

Biðlistar verða ekki fjarlægðir með einu pennastríki heldur þarf raunverulegar aðgerðir sem Samfylkingin treystir sér til þess að ráðast í. Markmiðið er að lengd biðar eftir þjónustu sé á bilinu 6-8 vikur en ekki 24 mánuðir eins og nú er.

4. Hvaða leiðir myndi þinn flokkur fara til að bæta aðgengi einhverfra að geðheilsuteymum? Eins og staðan er í dag þá er algengara en ekki að fólki á einhverfurófi sé vísað frá geðheilsuteymunum sökum þekkingarskorts starfsfólks.

Það er ótækt að fólki sé vísað frá nauðsynlegri geðheilbrigðisþjónustu vegna fötlunar sinnar. Tryggja þarf ráðgjöf og fræðslu fyrir heilbrigðisstarfsfólk almennt, til þess að takast á við vandamálið nú, en til lengri tíma er ljóst að mennta þarf heilbrigðisstarfsfólk, þ.m.t. sálfræðinga og geðlækna, sem sérhæfa sig í þjónustu við fólk með einhverfu og skyldar fatlanir.

5. Hvaða tillögur hefur flokkurinn sem stuðla að aukinni fræðslu og þekkingu á einhverfu fyrir íslenskt samfélag?



Samfylkingin leggur mikla áherslu á mannréttindi í stefnu sinni og fræðsla er þar hornsteinn fræðsla. Fylgja þarf eftir að jafnréttisfræðsla í skólum um allt land taki einnig til réttindi fatlaðs fólks og einhverfs fólks og styðja við hagsmunasamtök eins og Einhverfusamtökin, sem sinna mikilvægu starfi í vitundarvakningu og réttindabaráttu.

6. Hver er ykkar afstaða til stofnunar þjónustu- og þekkingarmiðstöðvar?

Samfylkingin er hlynnt því að bæta þjónustu við fatlað fólk, sem þarf að mæta þjónustu- og skilningsleysi innan kerfa samfélagsins. Ef hagsmunaaðilar telja að ný þjónustu- og þekkingarmiðstöð sé best til þess fallin að bæta stöðu hópsins verður það skoðað í víðu samráði við hagsmunasamtök og fagaðila.